

Decreto Lexislativo 1/2011, do 28 de xullo, polo que se aproba o texto refundido das disposicións legais da Comunidade Autónoma de Galicia en materia de tributos cedidos polo Estado

Artigo 13. *Mínimo exento*

O mínimo exento no imposto sobre o patrimonio establécese en 700.000 euros.

Artigo 13 bis. *Cota íntegra*

A base liquidable do imposto se gravarase aos tipos da seguinte escala:

Base liquidable Ata euros	Cota Euros	Resto base liquidable Ata euros	Tipo aplicable Porcentaxe
0,00	0,00	167.129,45	0,20
167.129,45	334,26	167.123,43	0,30
334.252,88	835,63	334.246,87	0,50
668.499,75	2.506,86	668.499,76	0,90
1.336.999,51	8.523,36	1.336.999,50	1,30
2.673.999,01	25.904,35	2.673.999,02	1,70
5.347.998,03	71.362,33	5.347.998,03	2,10
10.695.996,06	183.670,29	En diante	2,50

Artigo 13 ter. *Deducións na cota do imposto sobre o patrimonio*

Un. **Dedución por creación de novas empresas ou ampliación da actividade de empresas de recente creación**

Requisitos

Que entre os bens o dereitos de contido económico computados para a determinación da base imponible figura algún ao que se lle aplicaron as deducións na cota íntegra autonómica do imposto sobre a renda das persoas físicas relativas á creación de novas empresas ou ampliación da actividade de empresas de recente creación, ou investimento na adquisición de accións ou participacións sociais en entidades novas ou de recente creación.

Contía e límite da dedución.

El contribuínte poderá aplicar unha dedución do 75 % na parte da cota que proporcionalmente corresponda aos mencionados bens ou dereitos, cun límite de 4.000 euros por suxeito pasivo.

Incumprimento

O incumprimento dos requisitos previstos nas deducións do imposto sobre a renda das persoas físicas determinará a perda desta dedución.

Incompatibilidade

Esta dedución será incompatible con las seguintes deducións:

- Dedución por investimento en sociedades de fomento forestal.
- Dedución pola participación no capital social de cooperativas agrarias ou de explotación comunitaria da terra.
- Dedución pola participación nos fondos propios de entidades agrarias.

- Dedución pola participación nos fondos propios de entidades que exploten bens inmobles en centros históricos.

Dous. Dedución por investimento en sociedades de fomento forestal

Requisitos

Que entre os bens o dereitos de contido económico computados para a determinación da base imponible se inclúren participacións nas sociedades de fomento forestal reguladas na Lei 7/2012, do 28 de xuño, de montes de Galicia.

As participacións deben manterse no patrimonio do contribuínte durante un período mínimo de cinco anos seguintes á súa adquisición.

Contía da dedución

O contribuínte poderá aplicar unha dedución do 100 % na parte da cota que proporcionalmente corresponda aos devanditos bens ou dereitos.

Incompatibilidade

Esta dedución será incompatible coa aplicación para os mesmos bens o dereitos das exencións do artigo 4 da Lei 19/1991, do 6 de xuño, do imposto sobre o patrimonio, aínda que a devandita exención sexa parcial.

Tres. Dedución pola participación no capital social de cooperativas agrarias ou de explotación comunitaria da terra

Requisitos

Que entre os bens o dereitos de contido económico computados para a determinación da base imponible se inclúren participacións no capital social de cooperativas agrarias ou de explotación comunitaria da terra ás que se refire a Lei 5/1998, do 18 de decembro, de cooperativas de Galicia.

As participacións deben manterse no patrimonio do contribuínte durante un período mínimo de cinco anos seguintes á súa adquisición.

Contía da dedución

O contribuínte poderá aplicar unha dedución do 100 % na parte da cota que proporcionalmente corresponda aos devandito bens ou dereitos.

Incompatibilidade

Esta dedución será incompatible coa aplicación para os mesmos bens ou dereitos das exencións do artigo 4 da Lei 19/1991, do 6 de xuño, do imposto sobre o patrimonio, aínda que a dita exención sexa parcial.

Catro. Dedución pola afectación de terreos rústicos a unha explotación agraria e arrendamento rústico

Requisitos

Que entre os bens ou dereitos de contido económico computados para a determinación da base imponible se inclúren terreos rústicos afectos a unha explotación agraria.

A explotación agraria deberá estar inscrita no Rexistro de Explotacións Agrarias de Galicia.

O termo «explotación agraria» será o definido na Lei 19/1995, d 4 de xullo, de modernización das explotacións agrarias.

Tamén terán dereito a esta dedución aqueles contribuíntes que cedan en arrendamento os terreos rústicos por igual período temporal, de acordo coas condicións establecidas na Lei 49/2003, do 26 de novembro, de arrendamentos rústicos.

Contía da dedución

Resumo de medidas normativas da Comunidade Autónoma e beneficios fiscais

O contribuínte poderá aplicar unha dedución do 100 % na parte da cota que proporcionalmente corresponda aos devanditos bens ou dereitos, sempre que estean afectos á explotación agraria polo menos durante a metade do ano natural correspondente á devindicación.

Incompatibilidade

Esta dedución será incompatible coa aplicación para os mesmos bens ou dereitos das exencións do artigo 4 da Lei 19/1991, do 6 de xuño, do imposto sobre o patrimonio, aínda que a devandita exención sexa parcial.

Cinco. Dedución pola participación nos fondos propios de entidades agrarias

Requisitos

Que entre os bens ou dereitos de contido económico computados para a determinación da base imponible se inclúren participacións nos fondos propios de entidades cuxo obxecto social sexan actividades agrarias.

As participacións adquiridas deben manterse no patrimonio do contribuínte durante un período mínimo de cinco anos seguintes á súa adquisición

A explotación agraria deberá estar inscrita no Rexistro de Explotacións Agrarias de Galicia.

Os termos «explotación agraria» e «actividade agraria» serán os definidos na Lei 19/1995, do 4 de xullo, de modernización das explotacións agrarias.

Da mesma dedución gozarán os créditos concedidos as mesmas entidades na parte do importe que financie as devanditas actividades agrarias. No caso de créditos, estes deben referirse ás operacións de financiación cun prazo superior a cinco anos, sen que se poida amortizar unha cantidade superior ao 20 % anual do importe do principal prestado.

Contía da dedución

O contribuínte poderá aplicar unha dedución do 100 % a parte da cota que corresponda ao valor das participacións.

A dedución só atanguerá o valor das participacións, determinado segundo as regras deste imposto, na parte que corresponda á proporción existente entre os activos necesarios para o exercicio da actividade agraria, minorados no importe das débedas derivadas desta, e o valor do patrimonio neto da entidade.

Para determinar a devandita proporción tomarase o valor que se deduza da contabilidade, sempre que esta reflecta fielmente a verdadeira situación patrimonial da sociedade.

Incompatibilidade

Esta dedución será incompatible coa aplicación para os mesmos bens das exencións do artigo 4 da Lei 19/1991, de 6 de xuño, do imposto sobre o patrimonio, aínda que dita exención sexa parcial.

Seis. Dedución pola afectación a actividades económicas de inmobles en centros históricos

Requisitos

Que entre os bens ou dereitos de contido económico computados para a determinación da base imponible se inclúren bens inmobles situados nos centros históricos determinados no anexo da Orde do 1 de marzo de 2018 pola que se determinan os centros históricos a efectos desta dedución.

Na orde que delimite os centros históricos establecerase a xustificación documental necesaria que acredite a pertenza do ben ao devandito centro.

A pertenza do ben inmovle a un centro histórico acreditarase, de acordo co establecido polo artigo único.2 da Orde do 1 de marzo de 2018 (DOG do 13), mediante certificado emitido polo concello correspondente de que o ben inmovle atópase situado dentro da delimitación fixada no anexo da citada Orde do 1 de marzo de 2018.

Contía da dedución

Resumo de medidas normativas da Comunidade Autónoma e beneficios fiscais

O contribuínte poderá aplicar unha dedución do 100 % na parte da cota que proporcionalmente corresponda aos devanditos bens ou dereitos, sempre que estean afectos a unha actividade económica polo menos durante a metade do ano natural correspondente á devindicación.

Incompatibilidade

Esta dedución será incompatible coa aplicación para os mesmos bens das exencións do artigo 4 da Lei 19/1991, de 6 de xuño, do imposto sobre o patrimonio, aínda que a dita exención sexa parcial.

Sete. Dedución pola participación nos fondos propios de entidades que exploten bens inmobles en centros históricos

Requisitos

Que entre os bens ou dereitos de contido económico computados para a determinación da base imponible se incluíren participacións nos fondos propios de entidades en cuxo activo se atopen bens inmobles situados nos centros históricos determinados no anexo da Orde do 1 de marzo de 2018 pola que se determinan os centros históricos a efectos desta dedución.

Que devanditos bens estean afectos a unha actividade económica polo menos durante a metade do ano natural correspondente á devindicación.

Na orde que delimite os centros históricos establecerase a xustificación documental necesaria que acredite a pertenza do ben ao devandito centro.

A pertenza do ben inmovle a un centro histórico acreditarase, de acordo co establecido polo artigo único.2 da Orde do 1 de marzo de 2018 (DOG do 13), mediante certificado emitido polo concello correspondente de que o ben inmovle atópase situado dentro da delimitación fixada no anexo da citada Orde do 1 de marzo de 2018.

Contía da dedución

O contribuínte poderá aplicar unha dedución do 100 % na parte da cota que proporcionalmente corresponda ás devanditas participacións.

A dedución só atanguerá o valor das participacións, determinado segundo as regras deste imposto, na parte que corresponda á proporción existente entre os devanditos bens inmobles, minorados no importe das débedas destinadas a financeiros, e o valor do patrimonio neto da entidade.

Para determinar a devandita proporción tomarase o valor que se deduza da contabilidade, sempre que esta reflicta fielmente a verdadeira situación patrimonial da sociedade.

Incompatibilidade

Esta dedución será incompatible coa aplicación para os mesmos bens das exencións do artigo 4 da Lei 19/1991, de 6 de xuño, do imposto sobre o patrimonio, aínda que a dita exención sexa parcial.